

新選
論孟
鈔

全

特259

808



始



特259
808

興文社編輯所編

新選
論孟鈔
全

東京

株式會社
興文社

納本
興文社



緒言

本書は、中等學校又は高等學校の教科書に充てむが爲に選拔せしものなり。

本書は、漢文の實力を養ひ、且つ學生生徒の品性の修養に資せん爲めに選述せしものなり。

本書は、各章の序次に従ひて抄録し、欄外の註釋は主として朱熹集註に由れり。

昭和十年九月

目次

論語

學而第一	一頁
爲政第二	三
八佾第三	四
里仁第四	五
公冶長第五	七
雍也第六	八
述而第七	一〇
泰伯第八	一二
子罕第九	一四
鄉黨第十	一五
先進第十一	一六
顏淵第十二	一六
子路第十三	二〇

目次

一

憲問第十四	三二
衛靈公第十五	三三
季子第十六	三五
陽貨第十七	二七
微子第十八	二九
子張第十九	三〇
堯曰第二十	三三
孟子	
梁惠王篇	三三
公孫丑篇	三五
滕文公篇	三八
離婁篇	三九
萬章篇	四四
告子篇	四七
盡心篇	五四
終	終

新選 論孟鈔

興文社編輯所編

論語

學而第一

說ハ悦ト同ジ
慍ハ怒ヲ含ム意

巧ハ好、令ハ善
ナリ

○子曰。學而時習之。不亦說乎。有朋自遠方來。不亦樂乎。人不知而不慍。不亦君子乎。

○有子曰。其爲人也孝弟。而好犯上者鮮矣。不好犯上。而好作亂者。未之有也。君子務本。本立而道生。孝弟也者。其爲仁之本與。

○子曰。巧言令色。鮮矣仁。

已ヲ盡ス之ヲ忠ト謂ヒ、實ヲ以テスル之ヲ信ト謂フ

○曾子曰。吾日三省吾身。爲人謀而不忠乎。與朋友交而不信乎。傳不習乎。

○子曰。弟子入則孝。出則弟。謹而信。汎愛衆而親仁。行有餘力。則以學文。

○子曰。君子不重則不威。學則不固。主忠信。無友不如己者。過則勿憚改。

○曾子曰。慎終追遠。民德歸厚矣。

○子禽問於子貢曰。夫子至於是邦也。必聞其政。求之與。抑與之與。子貢曰。夫子溫良恭儉讓以得之。夫子之求之也。其諸異乎人之求之與。

終ヲ慎ムトハ喪ニソノ禮ヲ盡シ、遠ヲ追フトハ祭ニソノ誠ヲ致スナリ

詔ハ卑屈ナリ
驕ハ矜肆ナリ

○子曰。君子食無求飽。居無求安。敏於事而慎於言。就有道而正焉。可謂好學也已。

○子貢曰。貧而無諂。富而無驕。何如。子曰。可也。未若貧而樂。富而好禮者也。子貢曰。詩云。如切如磋。如琢如磨。其斯之謂與。子曰。賜也。始可與言詩已矣。告諸往而知來者。

爲政第二

○子曰。吾十有五而志於學。三十而立。四十而不惑。五十而知天命。六十而耳順。七十而從心所欲。不踰矩。

○孟武伯問孝。子曰。父母唯其疾之憂。

○子游問孝。子曰。今之孝者。是謂能養。至於犬馬。皆能有養。

不敬何以別乎。

○子夏問孝。子曰。色難。有事。弟子服其勞。有酒食。先生饌。曾是以爲孝乎。

○子曰。視其所以。觀其所由。察其所安。人焉廋哉。人焉廋哉。

○子曰。溫故而知新。可以爲師矣。

○子曰。學而不思則罔。思而不學則殆。

○子曰。由。誨女知之乎。知之爲知之。不知爲不知。是知也。

○子曰。見義不爲。無勇也。

八佾第三

○祭如在。祭神如神在。子曰。吾不與祭。如不祭。

以ハ爲ナリ、由ハ從ナリ
故ハ舊ト聞ク所、新ハ今得ル所
罔ハ昏ナリ、クラシト訓ズ

祭ハ先祖ヲ祭ルナリ
神ヲ祭ルハ外神ヲ祭ルナリ

○定公問。君使臣。臣事君。如之何。孔子對曰。君使臣以禮。臣事君以忠。

○子曰。居上不寬。爲禮不敬。臨喪不哀。吾何以觀之哉。

里仁第四

○子曰。里仁爲美。擇不處仁。焉得知。

○子曰。不仁者不可以久。處約不可以長。處樂仁者安仁。知者利仁。

○子曰。富與貴。是人之所以欲也。不以其道得之。不處也。貧與賤。是人之所以惡也。不以其道得之。不去也。君子去仁。惡乎成名。君子無終食之間違仁。造次必於是。顛沛必於是。

約ハ窮困ナリ

造次ハ急速苟且ノ時、顛沛ハ傾覆流離ノ際

黨ハ類ナリ

己ヲ盡スヲ忠ト
謂ヒ、己ヲ推ス
ヲ恕ト謂フ

- 子曰。人之過也。各於其黨。觀過斯知仁矣。
- 子曰。朝聞道。夕死可矣。
- 子曰。士志於道。而恥惡衣惡食者。未足與議也。
- 子曰。不患無位。患所以立。不患莫己知。求為可知也。
- 子曰。參乎。吾道一以貫之。曾子曰。唯。子出。門人問曰。何謂也。曾子曰。夫子之道。忠恕而已矣。
- 子曰。君子喻於義。小人喻於利。
- 子曰。見賢思齊焉。見不賢而內自省也。
- 子曰。古者言之不出。恥躬之不逮也。
- 子曰。君子欲訥於言。而敏於行。

鄰ハ猶本親ノ如
シ

雕ハ刻畫ナリ
朽ハ餒ナリ

公治長第五

- 子曰。德不孤。必有鄰。
- 宰予晝寢。子曰。朽木不可雕也。糞土之牆不可朽也。於予與何誅。子曰。始吾於人也。聽其言而信其行。今吾於人也。聽其言而觀其行。於予與改是。
- 子貢曰。我不欲人之加諸我也。吾亦欲無加諸人。子曰。賜也。非爾所及也。
- 子曰。晏平仲善與人交。久而敬之。
- 子曰。甯武子邦有道則知。邦無道則愚。其知可及也。其愚不可及也。

伐ハ誇ナリ、施ハ張大ノ意

訟ハ口言ハズシテ心ニ自ラ答ムルナリ

單ハ竹器、瓢ハ瓢ナリ

儒ハ學者ノ稱

○顏淵季路侍。子曰。盍各言爾志。子路曰。願車馬衣輕裘。與朋友共。敝之而無憾。顏淵曰。願無伐善。無施勞。子路曰。願聞子之志。子曰。老者安之。朋友信之。少者懷之。

雍也第六

○子曰。已矣乎。吾未見能見其過。而內自訟者也。

○哀公問。弟子孰爲好學。孔子對曰。有顏回者。好學。不遷怒。不貳過。不幸短命死矣。今也則亡。未聞好學者也。

○子曰。賢哉回也。一簞食。一瓢飲。在陋巷。人不堪其憂。回不改其樂。賢哉回也。

○子謂子夏曰。女爲君子儒。無爲小人儒。

彬々ハ猶ホ斑々ノ如シ

遠ハ卯レ近カザカルナリ

樂水ノ樂ハ喜好ナリ、コノムト調ズ

○子游爲武城宰。子曰。女得人焉爾乎。曰。有澹臺滅明者。行不由徑。非公事。未嘗至於偃之室也。

○子曰。孟之反不伐。奔而殿。將入門。策其馬曰。非敢後也。馬不進也。

○子曰。誰能出不由戶。何莫由斯道也。

○子曰。質勝文則野。文勝質則史。文質彬彬。然後君子。

○子曰。知之者。不如好之者。好之者。不如樂之者。

○樊遲問知。子曰。務民之義。敬鬼神而遠之。可謂知矣。問仁。曰。仁者先難而後獲。可謂仁矣。

○子曰。知者樂水。仁者樂山。知者動。仁者靜。知者樂。仁者壽。

○子曰。中庸之爲德也。其至矣乎。民鮮久矣。
 ○子貢曰。如有博施於民。而能濟衆。如何。可謂仁乎。子曰。何事於仁。必也聖乎。堯舜其猶病諸。夫仁者。己欲立而立人。己欲達而達人。能近取譬。可謂仁之方也已。

述而第七

○子曰。德之不脩。學之不講。聞義不能徙。不善不能改。是吾憂也。

○子曰。不憤不啓。不悱不發。舉一隅不以三隅反。則不復也。
 ○子謂顏淵曰。用之則行。舍之則藏。惟我與爾有是夫。子路曰。子行三軍。則誰與。子曰。暴虎馮河。死而無悔者。吾不與也。

慣ハ心通センコトヲ求メテ未ダ得ザル貌
 悱ハ口言ハント欲シテ未ダ能ハザル貌
 暴虎ハ徒搏ナリ馮河ハ徒涉ナリ

必也臨事而懼。好謀而成者也。

○子曰。富而可求也。雖執鞭之士。吾亦爲之。如不可求。從吾所好。

○子曰。飯疏食。飲水。曲肱而枕之。樂亦在其中矣。不義而富且貴。於我如浮雲。

○葉公問孔子於子路。子路不對。子曰。女奚不曰。其爲人也。發憤忘食。樂以忘憂。不知老之將至云爾。

○子曰。我非生而知之者。好古敏以求之者也。

○子曰。三人行。必有我師焉。擇其善者而從之。其不善者而改之。

○子曰。聖人吾不得而見之矣。得見君子者斯可矣。子曰。善人吾不得而見之矣。得見有恆者斯可矣。亡而爲有。虛而爲盈。約而爲泰。難乎有恆矣。

○子曰。仁遠乎哉。我欲仁。斯仁至矣。

○子曰。若聖與仁。則吾豈敢。抑爲之不厭。誨人不倦。則可謂云爾已矣。公西華曰。正唯弟子不能學也。

○子曰。奢則不孫。儉則固。與其不孫也。寧固。

○子溫而厲。威而不猛。恭而安。

泰伯第八

○曾子有疾。召門弟子曰。啓予足。啓予手。詩云。戰戰兢兢。如

孫ハ順ナリ、固ハ陋ナリ
厲ハ嚴肅ナリ

戰戰ハ恐懼、兢兢ハ戒謹ナリ

臨深淵。如履薄冰。而今而後。吾知免夫。小子。

○曾子有疾。孟敬子問之。曾子言曰。鳥之將死。其鳴也哀。人之將死。其言也善。君子所貴乎道者三。動容貌。斯遠暴慢矣。正顏色。斯近信矣。出辭氣。斯遠鄙倍矣。籩豆之事。則有司存。○曾子曰。以能問於不能。以多問於寡。有若無。實若虛。犯而不校。昔者吾友嘗從事於斯矣。

○曾子曰。可以託六尺之孤。可以寄百里之命。臨大節而不可奪也。君子人與。君子人也。

○曾子曰。士不可以不弘毅。任重而道遠。仁以爲己任。不亦重乎。死而後已。不亦遠乎。

信ハ實ナリ
倍ハ背ト同ジ、
理ニ背クヲ謂フ
籩ハ竹豆、豆ハ
木豆ナリ

校ハ計校ナリ

已甚ハ甚ト同ジ

○子曰。好勇疾貧。亂也。人而不仁。疾之已甚。亂也。

子罕第九

○子絕四。毋意。毋必。毋固。毋我。

○子曰。吾有知乎哉。無知也。有鄙夫問於我。空空如也。我叩其兩端而竭焉。

循々ハ次序アル
說
末ハ無ナリ

○顏淵喟然歎曰。仰之彌高。鑽之彌堅。瞻之在前。忽焉在後。夫子循循然善誘人。博我以文。約我以禮。欲罷不能。既竭吾才。如有所立卓爾。雖欲從之。末由也已。

○子在川上曰。逝者如斯夫。不舍晝夜。

○子謂顏淵曰。惜乎。吾見其進也。未見其止也。

○子曰。苗而不秀者有矣夫。秀而不實者有矣夫。

○子曰。後生可畏。焉知來者不如今也。四十五十而無聞焉。斯亦不足畏也已矣。

○子曰。三軍可奪帥也。匹夫不可奪志也。

○子曰。歲寒。然後知松柏之後彫也。

○子曰。知者不惑。仁者不憂。勇者不懼。

○子曰。可與共學。未可與適道。可與適道。未可與立。可與立。未可與權。

鄉黨第十

○孔子於鄉黨。恂恂如也。似不能言者。其在宗廟朝廷。便便

權ハ稱錘ナリ

恂々ハ信實ノ貌
ナリ
便々ハ辨ナリ

言唯謹爾。

○廢焚。子退朝曰。傷人乎。不問馬。

先進第十一

○子曰。從我於陳蔡者。皆不及門也。德行顏淵。閔子騫。冉伯牛。仲弓。言語宰我。子貢。政事冉有。季路。文學子游。子夏。

○季路問事鬼神。子曰。未能事人。焉能事鬼。敢問死。曰。未知生。焉知死。

○子貢問。師與商也孰賢。子曰。師也過。商也不及。曰。然則師愈與。子曰。過猶不及。

顏淵第十二

○顏淵問仁。子曰。克己復禮爲仁。一日克己復禮。天下歸仁焉。爲仁由己。而由人乎哉。顏淵曰。請問其目。子曰。非禮勿視。非禮勿聽。非禮勿言。非禮勿動。顏淵曰。回雖不敏。請事斯語矣。

○司馬牛問君子。子曰。君子不憂不懼。曰。不憂不懼。斯謂之君子矣乎。子曰。內省不疚。夫何憂何懼。

○司馬牛憂曰。人皆有兄弟。我獨亡。子夏曰。商聞之矣。死生有命。富貴在天。君子敬而無失。與人恭而有禮。四海之內。皆兄弟也。君子何患乎無兄弟也。

○子張問明。子曰。浸潤之譖。膚受之愬。不行焉。可謂明也已。

疾ハ病ナリ

矣。浸潤之譖。膚受之愬。不行焉。可謂遠也已矣。

○子貢問政。子曰。足食。足兵。民信之矣。子貢曰。必不得已而去。於斯三者何先。曰。去兵。子貢曰。必不得已而去。於斯二者何先。曰。去食。自古皆有死。民無信不立。

○棘子成曰。君子質而已矣。何以文爲。子貢曰。惜乎。夫子之說君子也。駟不及舌。文猶質也。質猶文也。虎豹之鞞。猶犬羊之鞞。

○齊景公問政於孔子。孔子對曰。君君。臣臣。父父。子子。公曰。善哉。信如君不君。臣不臣。父不父。子不子。雖有粟。吾得而食諸。

鞞ハ皮ノ毛ヲ去
リタルモノナリ

○子曰。君子成人之美。不成人之惡。小人反是。

○季康子問政於孔子。孔子對曰。政者正也。子帥以正。孰敢不正。

○季康子患盜。問於孔子。孔子對曰。苟子之不欲。雖賞之不竊。

○季康子問政於孔子。曰。如殺無道。以就有道。何如。孔子對曰。子爲政。焉用殺。子欲善而民善矣。君子之德風。小人之德草。草上之風。必偃。

○樊遲從遊於舞雩之下。曰。敢問崇德脩慝辨惑。子曰。善哉。問。先事後得。非崇德與。攻其惡。無攻人之惡。非脩慝與。一朝

慝ハ惡ノ心ニ匿
ル、モノ

之忿。忘其身。以及其親。非惑與。

○子貢問友。子曰。忠告而善道之。不可則止。無自辱焉。

○曾子曰。君子以文會友。以友輔仁。

子路第十三

○子夏爲莒父宰。問政。子曰。無欲速。無見小利。欲速則不達。見小利則大事不成。

○葉公語孔子曰。吾黨有直躬者。其父攘羊。而子證之。孔子曰。吾黨之直者。異於是。父爲子隱。子爲父隱。直在其中矣。

○子貢問曰。何如斯可謂之士矣。子曰。行己有恥。使於四方。不辱君命。可謂士矣。曰。敢問其次。曰。宗族稱孝焉。鄉黨稱弟

經ハ小石ノ堅確ナル者ナリ

普ハ竹器、斗ニ升ヲ容ル

行ハ道ナリ

同ハ阿附ノ意アリ

切々ハ懇到ナリ
徳々ハ詳勉ナリ

焉。曰。敢問其次。曰。言必信。行必果。硜硜然小人哉。抑亦可以爲次矣。曰。今之從政者何如。子曰。噫。斗筭之人。何足算也。

○子曰。不得中行而與之。必也狂狷乎。狂者進取。狷者有所不爲也。

○子曰。君子和而不同。小人同而不和。

○子曰。剛毅木訥近仁。

○子路問曰。何如斯可謂之士矣。子曰。切切偲偲。怡怡如也。可謂士矣。朋友切切偲偲。兄弟怡怡。

憲問第十四

○子曰。有德者必有言。有言者不必有德。仁者必有勇。勇者

不必有仁。

○子曰。愛之能勿勞乎。忠焉能勿誨乎。

○子曰。古之學者爲己。今之學者爲人。

○蘧伯玉使人於孔子。孔子與之坐。而問焉曰。夫子何爲。對曰。夫子欲寡其過。而未能也。使者出。子曰。使乎使乎。

○子曰。君子道者三。我無能焉。仁者不憂。知者不惑。勇者不懼。

○或曰。以德報怨。何如。子曰。何以報德。以直報怨。以德報德。

衛靈公第十五

○孔子在陳絕糧。從者病莫能興。子路愠見曰。君子亦有窮

濫ハ溢ナリ

乎。子曰。君子固窮。小人窮斯濫矣。

○子曰。賜也。女以予爲多學而識之者與。對曰。然。非與。曰。非也。予一以貫之。

類ハ北狄ナリ

○子張問行。子曰。言忠信。行篤敬。雖蠻貊之邦行矣。言不忠信。行不篤敬。雖州里行乎哉。立則見其參於前也。在輿則見其倚於衡也。夫然後行。子張書諸紳。

衡ハ輿ナリ
紳ハ大帶ノ垂ル
モノ

○子曰。可與言而不與之言。失人。不可與言而與之言。失言。知者不失人。亦不失言。

○子曰。志士仁人。無求生以害仁。有殺身以成仁。

○子曰。躬自厚。而薄責於人。則遠怨矣。

末ハ無ナリ

小慧ハ私智ナリ

- 子曰。不曰如之何如之何者。吾末如之何也已矣。
- 子曰。羣居終日。言不及義。好行小慧。難矣哉。
- 子曰。君子疾沒世而名不稱焉。
- 子曰。君子求諸己。小人求諸人。
- 子曰。君子矜而不爭。羣而不黨。
- 子曰。君子不以言舉人。不以人廢言。
- 子貢問曰。有一言而可以終身行之者乎。子曰。其恕乎。己所不欲。勿施於人。
- 子曰。人能弘道。非道弘人。
- 子曰。過而不改。是謂過矣。

- 子曰。吾嘗終日不食。終夜不寢。以思。無益。不如學也。
- 子曰。民之於仁也。甚於水火。水火吾見蹈而死者矣。未見蹈仁而死者也。

○子曰。當仁不讓於師。

季子第十六

- 孔子曰。益者三友。損者三友。友直。友諒。友多聞。益矣。友便辟。友善柔。友便佞。損矣。
- 孔子曰。益者三樂。損者三樂。樂節禮樂。樂道人之善。樂多賢友。益矣。樂驕樂。樂逸遊。樂宴樂。損矣。
- 孔子曰。侍於君子有三愆。言未及之而言。謂之躁。言及之

便辟ハ威儀ニ習ヒテ直ナラザルヲ謂フ
樂ハ音好

愆ハ過ナリ

而不言。謂之隱。未見顏色而言。謂之瞽。

○孔子曰。君子有三戒。少之時。血氣未定。戒之在色。及其壯也。血氣方剛。戒之在鬪。及其老也。血氣既衰。戒之在得。

○孔子曰。君子有三畏。畏天命。畏大人。畏聖人之言。小人不知天命而不畏也。狎大人。侮聖人之言。

○孔子曰。生而知之者。上也。學而知之者。次也。困而學之。又其次也。困而不學。民斯爲下矣。

○孔子曰。君子有九思。視思明。聽思聰。色思溫。貌思恭。言思忠。事思敬。疑思問。忿思難。見得思義。

○孔子曰。見善如不及。見不善如探湯。吾見其人矣。吾聞其

語矣。隱居以求其志。行義以達其道。吾聞其語矣。未見其人也。

○陳亢問於伯魚曰。子亦有異聞乎。對曰。未也。嘗獨立。鯉趨而過庭。曰。學詩乎。對曰。未也。不學詩。無以言。鯉退而學詩。他日又獨立。鯉趨而過庭。曰。學禮乎。對曰。未也。不學禮。無以立。鯉退而學禮。陳亢退而喜曰。問一得三。聞詩聞禮。又聞君子之遠其子也。

陽貨第十七

○子曰。性相近也。習相遠也。

○子曰。唯上知與下愚不移。

蕩ハ高キヲ窮ムルヲ謂ヒ、賊ハ物ヲ害フヲ謂フ。絞ハ急ナリ、狂ハ躁ナリ。

荏ハ柔弱ナリ、穿ハ壁ヲ穿テ、審ハ牆ヲ踰ユルナリ。

○子之武城。聞絃歌之聲。夫子莞爾而笑曰。割雞焉用牛刀。子游對曰。昔者偃也。聞諸夫子曰。君子學道則愛人。小人學道則易使也。子曰。二三子。偃之言是也。前言戲之耳。

○子曰。由也。女聞六言六蔽矣乎。對曰。未也。居。吾語女。好仁不好學。其蔽也愚。好知不好學。其蔽也蕩。好信不好學。其蔽也賊。好直不好學。其蔽也絞。好勇不好學。其蔽也亂。好剛不好學。其蔽也狂。

○子曰。色厲而內荏。譬諸小人。其猶穿窬之盜也與。

○子曰。道聽而塗說。德之棄也。

患失之。苟患失之。無所不至矣。

○子曰。古者民有三疾。今也或是之亡也。古之狂也肆。今之狂也蕩。古之矜也廉。今之矜也忿戾。古之愚也直。今之愚也詐而已矣。

○子路曰。君子尚勇乎。子曰。君子義以為上。君子有勇而無義為亂。小人有勇而無義為盜。

○子貢曰。君子亦有惡乎。子曰。有惡。惡稱人之惡者。惡居下流而訕上者。惡勇而無禮者。惡果敢而窒者。曰。賜也亦有惡乎。惡微以為知者。惡不孫以為勇者。惡訐以為直者。

微子第十八

肆ハ小節ニ拘ラズ、蕩ハ大節ヲ踰ユルヲ謂フ、廉ハ稜角アル人ナリ。

訕ハ謗ナリ、窒ハ通セザルナリ、微ハ伺ヒ察スルナリ。

耦ハ並ビ耕スナ

滔滔ハ流レテ反
ラザルノ意、
以ハ猶ホ與ノ如
シ、而ハ汝ナリ、
優ハ種ヲ覆フナ

○微子去之。箕子爲之奴。比干諫而死。孔子曰。殷有三仁焉。

○長沮桀溺耦而耕。孔子過之。使子路問津焉。長沮曰。夫執與者爲誰。子路曰。爲孔丘。曰。是魯孔丘與。曰。是也。曰。是知津矣。問於桀溺。桀溺曰。子爲誰。曰。爲仲由。曰。是魯孔丘之徒與。對曰。然。曰。滔滔者天下皆是也。而誰以易之。且而與其從辟人之士也。豈若從辟世之士哉。優而不輟。子路行以告。夫子慨然曰。鳥獸不可與同羣。吾非斯人之徒與而誰與。天下有道。丘不與易也。

子張第十九

○子張曰。士見危致命。見得思義。祭思敬。喪思哀。其可已矣。

○子夏之門人問交於子張。子張曰。子夏云何。對曰。子夏曰。可者與之。其不可者拒之。子張曰。異乎吾所聞。君子尊賢而容衆。嘉善而矜不能。我之大賢與。於人何所不容。我之不賢與。人將拒我。如之何其拒人也。

○子夏曰。日知其所亡。月無忘其所能。可謂好學也已矣。

○子夏曰。博學而篤志。切問而近思。仁在其中矣。

○子夏曰。百工居肆以成其事。君子學以致其道。

○子夏曰。小人之過也。必文。

○子夏曰。君子有三變。望之儼然。卽之也溫。聽其言也厲。

○子夏曰。仕而優則學。學而優則仕。

肆ハ官府造作ノ
處ヲ謂フ

○子貢曰。君子之過也。如日月之食焉。過也。人皆見之。更也。人皆仰之。

○叔孫武叔毀仲尼。子貢曰。無以爲也。仲尼不可毀也。他人之賢者。丘陵也。猶可踰也。仲尼日月也。無得而踰焉。人雖欲自絕。其何傷於日月乎。多見其不知量也。

堯曰第二十

○子曰。不知命。無以爲君子也。不知禮。無以立也。不知言。無以知人也。

論語 大尾

多ハ砥ト同ジ、
マサニト訓ズ

新選 論孟鈔

孟子

梁惠王篇

○孟子見梁惠王。王曰。叟不遠千里而來。亦將有以利吾國乎。孟子對曰。王何必曰利。亦有仁義而已矣。王曰。何以利吾國。大夫曰。何以利吾家。士庶人曰。何以利吾身。上下交征利而國危矣。萬乘之國。弑其君者。必千乘之家。千乘之國。弑其君者。必百乘之家。萬取千焉。千取百焉。不爲不多矣。苟爲後義而先利。不奪不饜。未有仁而遺其親者也。未有義而後其

叟ハ長老ノ稱

征ハ取ルナリ

饜ハ足ナリ
遺ハ猶ホ棄ツル
ガ若キナリ

君者也。王亦曰仁義而已矣。何必曰利。

○孟子曰。無恆產而有恆心者。惟士爲能。若民。則無恆產。因無恆心。苟無恆心。放辟邪侈。無不爲已。及陷於罪。然後從而刑之。是罔民也。焉有仁人在位。罔民而可爲也。是故明君制民之產。必使仰足以事父母。俯足以畜妻子。樂歲終身飽。凶年免於死亡。然後驅而之善。故民之從之也輕。今也制民之產。仰不足以事父母。俯不足以畜妻子。樂歲終身苦。凶年不免於死亡。此惟救死而恐不贍。奚暇治禮義哉。王欲行之。則盍反其本矣。五畝之宅。樹之以桑。五十者可以衣帛矣。雞豚狗彘之畜。無失其時。七十者可以食肉矣。百畝之田。勿奪其

產ハ生業ナリ

罔ハ猶主羅罔ノ若シ

贍ハ足ナリ

時。八口之家。可以無飢矣。謹庠序之教。申之以孝悌之義。頒白者不負戴於道路矣。老者衣帛食肉。黎民不飢不寒。然而不王者。未之有也。

公孫丑篇

○公孫丑問曰。夫子加齊之卿相。得行道焉。雖由此霸王不異矣。如此。則動心否乎。孟子曰。否。我四十不動心。曰。若是。則夫子過孟賁遠矣。曰。是不難。告子先我不動心。曰。不動心有道乎。曰。有。北宮黝之養勇也。不膚撓。不目逃。思以一毫挫於人。若撻之於市朝。不受於褐寬博。亦不受於萬乘之君。視刺萬乘之君。若刺褐夫。無嚴諸侯。惡聲至。必反之。孟施舍之所

撓ハ屈ナリ透ハ
睛ヲ轉ズルナリ
褐ハ毛布、寬博
ハ寬大ノ衣、賤
者ノ服ナリ

約ハ要ナリ

縮ハ直ナリ

養勇也。曰。視不勝猶勝也。量敵而後進。慮勝而後會。是畏三軍者也。舍豈能為必勝哉。能無懼而已矣。孟施舍似曾子。北宮黝似子夏。夫二子之勇。未知其孰賢。然而孟施舍守約也。昔者曾子謂子襄曰。子好勇乎。吾嘗聞大勇於夫子矣。自反而不縮。雖褐寬博。吾不慄焉。自反而縮。雖千萬人。吾往矣。孟施舍之守氣。又不如曾子之守約也。

怵惕ハ驚動ノ貌
惻隱ハ痛傷ノ貌
内ハ結ナリ

○孟子曰。人皆有不忍人之心。先王有不忍人之心。斯有不忍人之政矣。以不忍人之心。行不忍人之政。治天下可運之掌上。所以謂人皆有不忍人之心者。今人乍見孺子將入於井。皆有怵惕惻隱之心。非所以內交於孺子之父母也。非所

聲ハ名ナリ

以要譽於鄉黨朋友也。非惡其聲而然也。由是觀之。無惻隱之心。非人也。無羞惡之心。非人也。無辭讓之心。非人也。無是非之心。非人也。惻隱之心。仁之端也。羞惡之心。義之端也。辭讓之心。禮之端也。是非之心。智之端也。人之有是四端也。猶其有四體也。有是四端。而自謂不能者。自賊者也。謂其君不能者。賊其君者也。凡有四端於我者。知皆擴而充之矣。若火之始然。泉之始達。苟能充之。足以保四海。苟不充之。不足以事父母。

○孟子曰。天時不如地利。地利不如人和。三里之城。七里之廓。環而攻之而不勝。夫環而攻之。必有得天時者矣。然而不

環ハ圍ナリ

城ハ界限ナリ

勝者。是天時不如地利也。城非不高也。池非不深也。兵革非不堅利也。米粟非不多也。委而去之。是地利不如人和也。故曰。域民不以封疆之界。固國不以山谿之險。威天下不以兵革之利。得道者多助。失道者寡助。寡助之至。親戚畔之。多助之至。天下順之。以天下之所順。攻親戚之所畔。故君子有不戰。戰必勝矣。

滕文公篇

○景春曰。公孫衍。張儀。豈不誠大丈夫哉。一怒而諸侯懼。安居而天下熄。孟子曰。是焉得爲大丈夫乎。子未學禮乎。丈夫之冠也。父命之。女子之嫁也。母命之。往送之門。戒之曰。往之

廣居ハ仁ナリ
正位ハ禮ナリ
大道ハ義ナリ
淫ハ其ノ心ヲ蕩
シ、移ハ其ノ節
ヲ變ズルナリ

女家。必敬必戒。無違夫子。以順爲正者。妾婦之道也。居天下之廣居。立天下之正位。行天下之大道。得志與民由之。不得志。獨行其道。富貴不能淫。貧賤不能移。威武不能屈。此之謂大丈夫。

攘ハ物自ラ來リ
テ之ヲ取ルナリ

○戴盈之曰。什一去關市之征。今茲未能。請輕之。以待來年。然後已。何如。孟子曰。今有人日攘其鄰之雞者。或告之曰。是非君子之道。曰。請損之。月攘一雞。以待來年。然後已。如知其非義。斯速已矣。何待來年。

離婁篇

○孟子曰。愛人不親。反其仁。治人不治。反其智。禮人不答。反

言ハ思フト訓ス
永言トハ永ク思
フナリ

其敬行有不得者。皆反求諸己。其身正。而天下歸之。詩云。永言配命。自求多福。

滄浪ハ水ノ名ナ
リ
纒ハ冠ノ糸ナリ
擊ハ福ナリ

○孟子曰。不仁者可與言哉。安其危。而利其菑。樂其所以亡者。不仁而可與言。則何亡國敗家之有。有孺子歌曰。滄浪之水清兮。可以濯我纒。滄浪之水濁兮。可以濯我足。孔子曰。小子聽之。清斯濯纒。濁斯濯足矣。自取之也。夫人必自侮。然後人侮之。家必自毀。而後人毀之。國必自伐。而後人伐之。太甲曰。天作孽。猶可違。自作孽。不可活。此之謂也。

○孟子曰。自暴者。不可與有言也。自棄者。不可與有爲也。言非禮義。謂之自暴也。吾身不能居仁由義。謂之自棄也。仁人

之安宅也。義人之正路也。曠安宅而弗居。舍正路而不由。哀哉。

○孟子曰。道在爾。而求諸遠。事在易。而求諸難。人人親其親。長其長。而天下平。

○孟子曰。居下位。而不獲於上。民不可得而治也。獲於上。有道。不信於友。弗獲於上矣。信於友。有道。事親弗悅。弗信於友矣。悅親有道。反身不誠。不悅於親矣。誠身有道。不明乎善。不誠其身矣。是故。誠者。天之道也。思誠者。人之道也。至誠而不動者。未之有也。不誠。未有能動者也。

○孟子曰。存乎人者。莫良於眸子。眸子不能掩其惡。胸中正。

眸ハ目ノ瞳子ナ
リ

瞭ハ明ナリ
度ハ隱ナリ

則眸子瞭焉。胸中不正。則眸子眊焉。聽其言也。觀其眸子。人焉廋哉。

○孟子曰。事孰爲大。事親爲大。守孰爲大。守身爲大。不失其身。而能事其親者。吾聞之矣。失其身。而能事其親者。吾未之聞也。孰不爲事。事親事之本也。孰不爲守。守身守之本也。曾子養曾皙。必有酒肉。將徹。必請所與。問有餘。必曰有。曾皙死。曾元養曾子。必有酒肉。將徹。不請所與。問有餘。曰亡矣。將以復進也。此所謂養口體者也。若曾子。則可謂養志也。事親若曾子者。可也。

○孟子曰。人有不爲也。而後可以有爲。

混々ハ湧出ノ貌
科ハ坎ナリ、放
ハ至ナリ
澮ハ田間ノ水道
ナリ

○孟子曰。大人者。不失其赤子之心者也。

○孟子曰。養生者。不足以當大事。惟送死。可以當大事。

○徐子曰。仲尼亟稱於水曰。水哉。水哉。何取於水也。孟子曰。原泉混混。不舍晝夜。盈科而後進。放乎四海。有本者如是。是之取爾。苟爲無本。七八月之間。雨集。溝澮皆盈。其涸也。可立而待也。故聲聞過情。君子恥之。

○孟子曰。可以取。可以無取。取傷廉。可以與。可以無與。與傷惠。可以死。可以無死。死傷勇。

○孟子曰。君子所以異於人者。以其存心也。君子以仁存心。以禮存心。仁者愛人。有禮者敬人。愛人者。人恆愛之。敬人者。

由ハ猶ト同ジ

人恆敬之。有人於此。其待我以橫逆。則君子必自反也。我必不仁也。必無禮也。此物奚宜至哉。其自反而仁矣。自反而有禮矣。其橫逆由是也。君子必自反也。我必不忠。自反而忠矣。其橫逆由是也。君子曰。此亦妄人也已矣。如此。則與禽獸奚擇哉。於禽獸又何難焉。是故君子有終身之憂。無一朝之患也。乃若所憂則有之。舜人也。我亦人也。舜爲法於天下。可傳於後世。我由未免爲鄉人也。是則可憂也。憂之如何。如舜而已矣。若夫君子所患則亡矣。非仁無爲也。非禮無行也。如有

萬章篇

○横ハ法度ニ循ハザルヲ謂フ

頑ハ頑食ナリ
懦ハ柔弱ナリ

○孟子曰。伯夷目不視惡色。耳不聽惡聲。非其君不事。非其民不使。治則進。亂則退。橫政之所出。橫民之所止。不忍居也。思與鄉人處。如以朝衣朝冠。坐於塗炭也。當紂之時。居北海之濱。以待天下之清也。故聞伯夷之風者。頑夫廉。懦夫有立志。伊尹曰。何事非君。何使非民。治亦進。亂亦進。曰。天之生斯民也。使先知覺。後知使先覺覺。後覺。予天民之先覺者也。予將以此道覺此民也。思天下之民。匹夫匹婦。有不與被堯舜之澤者。若己推而內之溝中。其自任以天下之重也。柳下惠不羞汙君。不辭小官。進不隱賢。必以其道。遺佚而不怨。阨窮而不憫。與鄉人處。由由然不忍去也。爾爲爾。我爲我。雖袒裼

由由然ハ満足セリ貌

鄙ハ狹陋ナリ

接ハ猶ホ承ノゴトキナリ。浙ハ米ヲ漬セル水ナリ

成ハ樂ノ一終

金ハ鐘屬、聲ハ宣ナリ、玉ハ磬ナリ、振ハ收ナリ、條理ハ脈絡ト言フガゴトシ

裸程於我側。爾焉能浼我哉。故聞柳下惠之風者。鄙夫寬。薄夫敦。孔子之去齊。接浙而行。去魯。曰。遲遲吾行也。去父母國之道也。可以速而速。可以久而久。可以處而處。可以仕而仕。孔子也。孟子曰。伯夷聖之清者也。伊尹聖之任者也。柳下惠聖之和者也。孔子聖之時者也。孔子之謂集大成。集大成也者。金聲而玉振之也。金聲也者。始條理也。玉振之也者。終條理也。始條理者。智之事也。終條理者。聖之事也。智譬則巧也。聖譬則力也。由射於百步之外也。其至爾力也。其中非爾力也。

委吏ハ委積ヲ主ルノ吏ナリ
乘田ハ芻牧ヲ主ルノ吏ナリ
苗ハ音サツ、生長スル貌

尙ハ上下同ジ
頌ハ誦ト通ズ
尙友ハ古人ヲ友トスルナリ

○孟子曰。仕非爲貧也。而有时乎爲貧。娶妻非爲養也。而有时乎爲養。爲貧者。辭尊居卑。辭富居貧。辭尊居卑。辭富居貧。惡乎宜乎。抱關擊柝。孔子嘗爲委吏矣。曰。會計當而已矣。嘗爲乘田矣。曰。牛羊茁壯長而已矣。位卑而言高。罪也。立乎人之本朝。而道不行。恥也。

○孟子謂萬章曰。一鄉之善士。斯友一鄉之善士。一國之善士。斯友一國之善士。天下之善士。斯友天下之善士。以友天下之善士。爲未足。又尙論古之人。頌其詩。讀其書。不知其人可乎。是以論其世也。是尙友也。

告子篇

濇ハ波流ノ兼回
スル貌

○告子曰。性猶湍水也。決諸東方則東流。決諸西方則西流。人性之無分於善不善也。猶水之無分於東西也。孟子曰。水信無分於東西。無分於上下乎。人性之善也。猶水之就下也。人無有不善。水無有不下。今夫水搏而躍之。可使過顙。激而行之。可使在山。是豈水之性哉。其勢則然也。人之可使爲不善。其性亦猶是也。

○孟子曰。富歲子弟多賴。凶歲子弟多暴。非天之降才爾殊也。其所以陷溺其心者然也。今夫粃麥播種而耨之。其地同。樹之時又同。淳然而生。至於日至之時。皆熟矣。雖有不同。則地有肥磽。雨露之養。人事之不齊也。故凡同類者。舉相似也。

類ハ類ナリ

楚ハ大麥ナリ
種ハ種ヲ覆フナリ

磽ハ瘠薄ナリ

糞ハ草器ナリ

何獨至於人而疑之。聖人與我同類者。故龍子曰。不知足而爲屨。我知其不爲糞也。屨之相似。天下之足同也。口之於味。有同耆也。易牙先得我口之所耆者也。如使口之於味也。其性與人殊。若犬馬之與我不同類也。則天下何耆皆從易牙之於味也。至於聲。天下期於易牙。是天下之口相似也。惟耳亦然。至於聲。天下期於師曠。是天下之耳相似也。惟目亦然。至於子都。天下莫不知其姣也。不知子都之姣者。無目者也。故曰。口之於味也。有同耆焉。耳之於聲也。有同聽焉。目之於色也。有同美焉。至於心。獨無所同然乎。心之所同然者。何也。謂理也。義也。聖人先得我心之所同然耳。故理義之悅我心。

姣ハ好ナリ

草食ヲ割ト謂ヒ、穀食ヲ蒙ト謂フ

萌ハ芽ナリ、榮ハ芽ノ旁出スル者ナリ
濯々ハ光潔ノ貌

猶芻豢之悅我口。

○孟子曰。牛山之木嘗美矣。以其郊於大國也。斧斤伐之。可以爲美乎。是其日夜之所息。雨露之所潤。非無萌蘖之生焉。牛羊又從而牧之。是以若彼濯濯也。人見其濯濯也。以爲未嘗有材焉。此豈山之性也哉。雖存乎人者。豈無仁義之心哉。其所以放其良心者。亦猶斧斤之於木也。旦旦而伐之。可以爲美乎。其日夜之所息。平旦之氣。其好惡與人相近也者幾希。則其旦晝之所爲。有梏亡之矣。梏之反覆。則其夜氣不足以存。夜氣不足以存。則其違禽獸不遠矣。人見其禽獸也。而以爲未嘗有才焉者。是豈人之情也哉。故苟得其養。無物不

梏ハ槓ナリ

長。苟失其養。無物不消。孔子曰。操則存。舍則亡。出入無時。莫知其鄉。惟心之謂與。

○孟子曰。魚我所欲也。熊掌亦我所欲也。二者不可得兼。舍魚而取熊掌者也。生亦我所欲也。義亦我所欲也。二者不可得兼。舍生而取義者也。生亦我所欲。所欲有甚於生者。故不爲苟得也。死亦我所惡。所惡有甚於死者。故患有所不辟也。如使人之所欲莫甚於生。則凡可以得生者。何不用也。使人之所惡莫甚於死者。則凡可以辟患者。何不爲也。由是則生而有不用也。由是則可以辟患。而不爲也。是故所欲有甚於生者。所惡有甚於死者。非獨賢者有是心也。人皆有之。賢

噉ハ咄咄ノ貌

蹴ハ踐踏ナリ

鍾ハ六斛四斗

者能勿喪耳。一簞食。一豆羹。得之則生。弗得則死。噉爾而與之。行道之人弗受。蹴爾而與之。乞人不屑也。萬鍾則不辨禮義而受之。萬鍾於我何加焉。爲宮室之美。妻妾之奉。所識窮乏者得我與。鄉爲身死而不受。今爲宮室之美。爲之。鄉爲身死而不受。今爲妻妾之奉。爲之。鄉爲身死而不受。今爲所識窮乏者得我而爲之。是亦不可以已乎。此之謂失其本心。

○孟子曰。仁人心也。義人路也。舍其路而弗由。放其心而不知求。哀哉。人有雞犬放。則知求之。有放心而不知求。學問之道無他。求其放心而已矣。

○孟子曰。今有無名之指。屈而不信。非疾痛害事也。如有能

信ハ伸ニ同ジ

信之者。則不遠秦楚之路。爲指之不若人也。指不若人。則知惡之。心不若人。則不知惡。此之謂不知類也。

○孟子曰。有天爵者。有人爵者。仁義忠信。樂善不倦。此天爵也。公卿大夫。此人爵也。古之人。修其天爵。而人爵從之。今之人。修其天爵。以要人爵。既得人爵。而棄其天爵。則惑之甚者也。終亦必亡而已矣。

○孟子曰。仁之勝不仁也。猶水勝火。今之爲仁者。猶以一杯水。救一車薪之火也。不熄。則謂之水不勝火。此又與於不仁之甚者也。亦終必亡而已矣。

○孟子曰。五穀者種之美者也。苟爲不熟。不如莠稗。夫仁亦

莠稗ハ草ノ穀ニ似タルモノナリ

在乎熟之而已矣。

○孟子曰。舜發於畎畝之中。傳說舉於版築之間。膠鬲舉於魚鹽之中。管夷吾舉於士。孫叔敖舉於海。百里奚舉於市。故天將降大任於是人也。必先苦其心志。勞其筋骨。餓其體膚。空乏其身。行拂亂其所為。所以動心忍性。曾益其所不能。人恆過。然後能改。困於心。衡於慮。而後作。徵於色。發於聲。而後喻。入則無法家拂士。出則無敵國外患者。國恆亡。然後知生於憂患。而死於安樂也。

空ハ窮ナリ、拂ハ反ナリ、音フツ

拂ハ弱ト同ジ、音ヒツ

盡心篇

○孟子曰。盡其心者。知其性也。知其性。則知天矣。存其心。養

貳ハ疑ナリ

其性。所以事天也。夭壽不貳。修身以俟之。所以立命也。

○孟子曰。莫非命也。順受其正。是故知命者。不立乎巖牆之下。盡其道而死者。正命也。桎梏死者。非正命也。

○孟子曰。求則得之。舍則失之。是求有益於得也。求在我者也。求之有道。得之有命。是求無益於得也。求在外者也。

○孟子曰。萬物皆備於我矣。反身而誠。樂莫大焉。強恕而行。求仁莫近焉。

○孟子曰。人不可以無恥。無恥之恥。無恥矣。

○孟子曰。以佚道使民。雖勞不怨。以生道殺民。雖死不怨殺者。

良ハ本然ノ善ナ
リ
孩提ハ二三歳ノ
童子ヲ謂フ

○孟子曰。仁言不如仁聲之入人深也。善政不如善教之得民也。善政民畏之。善教民愛之。善政得民財。善教得民心。
○孟子曰。人之所不學而能者。其良能也。所不慮而知者。其良知也。孩提之童。無不知愛其親也。及其長也。無不知敬其兄也。親親仁也。敬長義也。無他。達之天下也。

○孟子曰。舜之居深山之中。與木石居。與鹿豕遊。其所以異於深山之野人者。幾希。及其聞一善言。見一善行。若決江河。沛然莫之能禦也。

○孟子曰。人之有德慧術知者。恒存乎疢疾。獨孤臣孽子。其操心也危。其慮患也深。故達。

疢ハ音チン
疾疾ハ猶ホ災患
ノ如シ
孽ハ音ゲツ庶子
ナリ

孳々ハ勤勉ノ意

○孟子曰。君子有三樂。而王天下不與存焉。父母俱存。兄弟無故。一樂也。仰不愧於天。俯不忤於人。二樂也。得天下英才而教育之。三樂也。君子有三樂。而王天下不與存焉。

○孟子曰。雞鳴而起。孳孳爲善者。舜之徒也。雞鳴而起。孳孳爲利者。蹠之徒也。欲知舜與蹠之分。無他。利與善之間也。

○孟子曰。楊子取爲我。拔一毛而利天下。不爲也。墨子兼愛。摩頂放踵。利天下爲之。子莫執中。執中爲近之。執中無權。猶執一也。所惡執一者。爲其賊道也。舉一而廢百也。

○孟子曰。飢者甘食。渴者甘飲。是未得飲食之正也。飢渴害之也。豈惟口腹有飢渴之害。人心亦皆有害。人能無以飢渴

權ハ稱錘ナリ

朝ハ假ト同ジ

之害爲心害。則不及人。不爲憂矣。

○孟子曰。有爲者。辟若掘井。掘井九軻。而不及泉。猶爲棄井也。

○孟子曰。堯舜性之也。湯武身之也。五霸假之也。久假而不歸。惡知其非有也。

○王子墊問曰。士何事。孟子曰。尙志。曰。何謂尙志。曰。仁義而已矣。殺一無罪。非仁也。非其有而取之。非義也。居惡在。仁是也。路惡在。義是也。居仁由義。大人之事備矣。

○孟子曰。天下有道。以道殉身。天下無道。以身殉道。未聞以道殉乎人者也。

○公都子曰。滕更之在門也。若在所禮。而不答。何也。孟子曰。挾貴而問。挾賢而問。挾長而問。挾有勳勞而問。挾故而問。皆所不答也。滕更有二焉。

○孟子曰。於不可已而已者。無所不已。於所厚者薄。無所不薄也。其進銳者。其退速。

○孟子曰。聖人百世之師也。伯夷柳下惠是也。故聞伯夷之風者。頑夫廉。懦夫有立志。聞柳下惠之風者。薄夫敦。鄙夫寬。奮乎百世之上。百世之下。聞者莫不興起也。非聖人而能若是乎。而況於親炙之者乎。

○孟子謂高子曰。山徑之蹊閒。介然用之而成路。爲閒不用。

蹊ハ人ノ行ク處ナリ
介ハ音カツ介然ハ倏然ノ頃ナリ
爲閒ハ少頃ナリ

則茅塞之矣。今茅塞子之心矣。

○孟子曰。人皆有所不忍。達之於其所忍。仁也。人皆有所不爲。達之於其所爲。義也。人能充無欲害人之心。而仁不可勝用也。人能充無穿窬之心。而義不可勝用也。人能充無受爾汝之實。無所往而不爲義也。士未可以言而言。是以言餽之也。可以言而不言。是以不言餽之也。是皆穿窬之類也。

○孟子曰。堯舜性者也。湯武反之也。動容周旋中禮者。盛德之至也。哭死而哀。非爲生者也。經德不回。非以干祿也。言語必信。非以正行也。君子行法以俟命而已矣。

○孟子曰。養心莫善於寡欲。其爲人也寡欲。雖有不存焉者。

餽ハ探リ取ルナリ

經ハ常ナリ、回ハ曲ナリ

狂簡ハ志大ニシテ事ニ略スルヲ謂フ

猥ハ狎ト同ジ、爲サレル所アルナリ

原ハ謹厚ノ稱

莠ハ苗ニ似タル草ナリ

紫ハ間色ナリ、朱ハ正色ナリ

寡矣。其爲人也多欲。雖有存焉者寡矣。

○萬章問曰。孔子在陳。曰。盍歸乎來。吾黨之士。狂簡進取。不忘其初。孔子在陳。何思魯之狂士。孟子曰。孔子不得中道而與之。必也狂狷乎。狂者進取。狷者有所不爲也。孔子豈不欲中道哉。不可必得。故思其次也。

○萬章曰。一鄉皆稱原人焉。無所往而不爲原人。孔子以爲德之賊。何哉。曰。非之無舉也。刺之無刺也。同乎流俗。合乎汙世。居之似忠信。行之似廉潔。衆皆悅之。自以爲是。而不可與入堯舜之道。故曰德之賊也。孔子曰。惡似而非者。惡莠。恐其亂苗也。惡佞。恐其亂義也。惡利口。恐其亂信也。惡鄭聲。恐其

亂樂也。惡紫恐其亂朱也。惡鄉原恐其亂德也。君子反經而
已矣。經正則庶民興。庶民興。斯無邪慝矣。

新選論孟鈔 大尾

昭和十年十月廿一日 印刷
昭和十年十月廿五日 發行

新選論孟鈔

定價金參拾錢

編輯者

興文社編輯所

代表者 石川寅吉



印刷者兼

株式會社 興文社

代表者 石川寅吉

發行所

東京市日本橋區馬喰町二丁目二番地
電話 漢花(67)二〇二二番
振替貯金口座東京一八四四番

株式會社 興文社

368
625

Handwritten text in a rectangular frame, likely bleed-through from the reverse side of the page. The text is arranged in vertical columns and is extremely faint and illegible.

終

